

Terror and violence

I gave up long ago expecting human nature to improve. When things get better in one part of the world, all hell usually seems to break out elsewhere. .

In this world, aw aroond,
terror an violence hurt an wound.
Tell me hoo we may dispel (Repeat the last two lines of each verse.)
the violence o this earthly hell.

In what they ca'ed the Holy Land
the fires o hell are daily fanned.
Terror an death predominate,
an few can try tae flee their fate.

An think a while on the Ukraine
whaes people pray for peace in vain.
There, dire destruction is the norm
as Russians roond its borders storm.

What benefit tae ony man
can be the violence in Sudan?
As intae chaos they descend,
whae noo can tell hoo things will end?

Alas, it seems the world ower,
The vile an violent vie for power,
an seek their influence tae extend
nae maitter hoo the coorse may end.

Here in this world right fae the stert,
terror an violence played their pairt,
an maybe I'm wrong, but it seems tae me
that terror an violence aye will be!